

EUSKAL AUTONOMIA ERKIDEGOKO UDALERRIEI, KOADRILEI ETA MANKOMUNITATEEI DIRU-LAGUNTZAK EMAKUME ETA GIZONEN ARTEKO BERDINTASUNARI BURUZKO DIAGNOSTIKOAK ETA/EDO BERDINTASUNERAKO PLANAK SORTZEKO EDO EGITEKO, 2018

Lehendakaritza

XEDEA

Emakunde-Emakumearen Euskal Erakundeak Euskal Autonomia Erkidegoko udalerriei, koadrilei eta mankomunitateei eta 4.3 artikuluan aipatzen diren elkarteei emango dizkien diru-laguntzak arautzen dira ebazpen honen bidez, eta horien deialdia egiten da, Emakumeen eta Gizonen Berdintasunerako otsailaren 18ko 4/2005 Legearen 15.3 artikuluan ezarritakoa betez eta EAEko Emakumeen eta Gizonen Berdintasunerako indarreko Plana garatuz. Diru-laguntzen baldintzak hurrengo artikuluetan finkatuko dira, aurrekontuko IV. kapituluko kredituetan zehaztutako muga barruan.

(*) Deialdi honetan ezarritako diru-laguntzak bateragarriak dira gainerako erakunde publiko edo pribatu guztiek helburu berarekin ematen dituztenekin, gainfinantzaketarik gertatu ezean.

Gainfinantzaketarik izanez gero, diru-laguntza behar den gehieneko mugaraino murriztuko da.

ONURADUNAK

EAEEn indarrean dagoen Emakumeen eta Gizonen Berdintasunerako Plana garatuz, diagnostikoak eta emakumeen eta gizonen berdintasunerako planak sortu eta ebaluatu nahi dituzten EAEko udalerrri, koadrila, mankomunitate eta udalerrri-multzoek eska ditzakete ebazpen honetan araututako diru-laguntzak.

LAGUNDUKO DIREN EKINTZAK

1.- Erakundearen helburuekin bat etorritik, laguntza teknikoak sortutako gastuak ordaintzeko erabili behar dira diru-laguntzak. Laguntza tekniko hori, hain zuzen, beharrezkoa da tokian-tokian emakumeen eta gizonen egoeraren diagnosia egiteko eta/edo berdintasun-planak egiteko eta egokitzeke.

2.– Laguntza teknikoak sortutako gastuak ordaintzeko erabil daitezke laguntzak. Bertako langileek nahiz kontratatutako langileek emango dute diagnosa egiteko edo berdintasun-plana sortu eta egokitzeko behar den laguntza teknikoa. Zehazki, gastu hauek onartuko dira:

– Udalerri, udalerri-multzo, koadrila edo mankomunitateko berdintasun-teknikariaren kontratua luzatzeagatiko gastuak edo beren-beregi lan-proiektua egiteko aldi baterako berdintasun teknikariak zuzenean kontratatzeagatiko gastuak.

– Laguntza teknikorako kontratatutako pertsonen eta aholkularitza-enpresen gastuak.

– Eragozpen handiak dituzten pertsonen edo askotariko bereizkeria jasaten dutenek lan-prozesuan parte hartzeko dituzten eragozpenak ezabatzeko neurri osagarriek sortutako gastuak.

3.– Edonola ere, egiaztatu egin beharko da kontratatutako edo kontratuko diren langile teknikoek emakumeen eta gizonen berdintasunaren arloko gaitan trebatzeko gutxienez 150 ordu igaro dituztela eta aholkularitzek gai honetan jarduteko nahiko trebatuta dauden edo eskarmentu handia duten langileak dituztela.

EPEA

Eskaerak aurkezteko epearen amaiera: **2018/01/30**

* Tokia: <https://www.euskadi.eus/2018/udaletxeak/y22-izapide/eu>

DOKUMENTAZIOA

1.– Eskabideak I. eranskinean dagoen ereduaren arabera egin beharko dira eta Emakunde-Emakumearen Euskal Erakundeko zuzendariari bidali behar zaizkio, agiri hauekin batera:

1.2.– Erakunde eskatzailearen datuak, I. eranskinaren arabera.

1.3.– Identifikazio Fiskalaren Txartelaren fotokopia. Agiri hori ez da aurkeztu beharko eskabidea bide elektronikoz izapidetzen bada edo entitate eskatzaileak administrazioari baimena ematen badio administrazio eskudunean bide elektronikoz edo erabilgarri dauden bideen bitartez ziurtatu, frogatu edo egiaztatzeko.

1.4.– Koadrila edo mankomunitatearen estatutuen fotokopia. Mankomunitate-elkartearen izaera juridikoa eta jarduera-mota adierazi beharko dira.

1.5.– «Datuen alta/Hirugarren interesduna» inprimakia. Inprimaki hori ez da aurkeztu beharko erakundea Eusko Jaurlaritzako Hirugarrenen Erregistroan alta emanda baldin badago. Beharrezkoa izango da inprimaki hori aurkeztea aldaketaren bat egonez gero (kontu zenbaki desberdina,

edo ordezkaritza aldatzea mankomunitatean, koadrilan edo udalerrimultzoan).

1.6.– Emakumeen eta gizonen berdintasunaren alorreko prestakuntzaren fotokopia eta/edo esperientziaren egiaztagiria (5.3 artikulua).

1.7.– 2018ko abenduaren 15a baino lehen egin beharreko lan-prozesuaren proiektua (II. eranskinaren arabera).

1.8.– Laguntza teknikorako diru-laguntza udalbatzak edo dagokion osoko bilkurak onartutako planik ez duen udalerriak, koadrilak, mankomunitateak edo udalerrimultzoak eskatzen badu, hasitako politikekin jarraitzeko konpromisoa agertu beharko du organo eskudunak. IV. eranskina - Berdintasunaren alorrean hasitako politikekin jarraituko delako konpromisoa.

1.9.– Udalerrri, udalerrri-elkarte, koadrila edo mankomunitateko berdintasunteknikariaren kontratua hedatzen denean edo beren-beregi lan-proiektua egiteko aldi baterako berdintasunerako teknikariak zuzenean kontratatzen direnean, egiaztagiria, eskumendun agintariak eginga. V. eranskina - Zuzeneneko kontratazioak egiteko edo kontratua luzatzeko konpromisoa.

1.10.– Proiektua koadrila, mankomunitate edo udalerrimultzo batek egiten badu, udalerrri bakoitzaren onarpen adierazia jasotzen duen agiria aurkeztu beharko da, 4. artikuluko hirugarren paragrafoan ezarritakoaren arabera. VI. eranskina - Proiektua elkarlanean egiteko konpromisoa.

1.11.– Esleipen-irizpideak egiaztatzen dituzten gainerako agiri guztiak.

2.– Ondoren aipatzen diren agiriak ere aurkez daitezke, meritutzat baloratuko baitira –10.1.B) artikulua–:

2.1.– Udalerrietan, koadriletan, mankomunitateetan eta udalerrimultzoetan aukera-berdintasuneko agente plazak daudela edo emakumeen eta gizonen arteko berdintasunaren arloko berariazko prestakuntza duten langile kontratatuak berdintasunerako politiketan lanean jarri direla frogatzen duen ziurtagiria. VI. eranskina – Merituak egiaztatzea.

2.2.– Emakume eta gizonen arteko berdintasuna lortzeko udalerrri bakoitzak 2018. urterako aurrekontuan jarritako ehunekoa egiaztatzen duen agiria. VII. eranskina – Merituak egiaztatzea.

2.3.– Udalerrri, koadrila, mankomunitate edo udalerrielkarteko Emakumearen Toki Kontseiluaren edo parte hartzeko organoaren erregelamenduaren kopia edo bestela, beste egiaztagiri batena. VII. eranskina – Merituak egiaztatzea.

ARAUDI ERREGULATZAILEA

EBAZPENA, 2017ko azaroaren 30ekoa, Emakunde-Emakumearen Euskal Erakundeko zuzendariarena, 2018ko ekitaldian Euskal Autonomia Erkidegoko udalerriei, koadrilei eta mankomunitateei diru-laguntzak emateko deialdia egin eta diru-laguntza horiek arautzen dituen. Diru-laguntza horiek emakume eta gizonen berdintasunari buruzko diagnostikoak egiteko eta/edo berdintasunerako planak egin eta ebaluatzeko behar den laguntza teknikoa ahalbidetzeko emango dira.(2017/12/20ko EHAA).